



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 01-40-2059-1/20  
Sarajevo, 13.11.2020. godine

**SKUPŠTINA KANTONA SARAJEVO**  
**n/r Dr. Mirza Čelik, Predsjedavajući Skupštine**  
**- o v d j e -**

**PREDMET:** Odgovor na zastupničku inicijativu, dostavlja se.-

**V E Z A:** Vaš akt broj: 01-04-41956-9/20 od 03.11.2020. godine

Na 30. radnoj sjednici Skupštine Kantona Sarajevo, održanoj dana, 03.11.2020. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnica Danijela Kristić, pokrenula je slijedeću zastupničku inicijativu:

*„Ovim putem podnosim inicijativu da oforme mobilni timovi koji će pružati pomoć porodicama koje su u izolaciji i koje nemaju nikoga za pomoć oko kupovine osnovnih potreština i lijekova.“*

**ODGOVOR:**

Odredbama člana 175. Zakona o zaštiti ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), propisani su uslovi, način i redoslijed angažovanja snaga i sredstava zaštite i spašavanja (civilne zaštite, organa uprave i drugih organa, pravnih lica i građana) na zadacima zaštite i spašavanja ljudi i materijalnih dobara od prirodnih nepogoda i drugih nesreća. Tako je između ostalog, u odredbama navedenog člana Zakona o zaštiti i spašavanju, određeno da se prvo angažuju snage i sredstva zaštite i spašavanja opštine (civilne zaštite, organa uprave i drugih organa opštine i pravnih lica na nivou opštine), pa ako te snage nisu dovoljne onda se tek angažuju snage i sredstva zaštite i spašavanja kantona i to na traženje opštinskog štaba civilne zaštite.



Ukoliko opštinski štabovi civilne zaštite sa područja Kantona Sarajevo zatraže od Kantonalne uprave civilne zaštite Kantona Sarajevo da se na realizaciji predmetne inicijative angažuju snage i sredstava zaštite i spašavanja Kantona Sarajevo, o tome će se odmah biti informisan Štab civilne zaštite Kantona Sarajevo, koji će u skladu sa svojim ovlaštenjima odlučiti koje će snage i sredstva angažovati na pružanju pomoći porodicama koje su u izolaciji i koje nemaju nikoga za pomoć oko kupovine osnovnih potrepština i lijekova.

Napominjemo, da su snage i sredstva zaštite i spašavanja opština (strukture civilne zaštite opština i volonteri opštinskih organizacija Crvenog križa), dok je bila na snazi naredba Federalnog štaba civilne zaštite o zabrani kretanja osobama od 65 godina na području Federacije BiH, dostavljali lijekove na kućne adrese osobama koje su starije od 65 godina i koje nisu imali bližnjeg srodnika da se brine o njima, a koje su iskazale potrebu za istim.

S poštovanjem,

**PO DIREKTORA  
POMOĆNICA DIREKTORA**

*Elma Bećirović*

Dostavljeno:

- Naslovu
- a/a



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387 (0) 33 257-330, 257-335  
Fax: + 387 (0) 33 257-336  
Sarajevo, Fehima efendije Čurčića 1